



Broj: 17-06-4-16-2-25-23/18
Datum, 23.07.2018. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javnu nabavku, da se nakon sprovedenog otvorenog postupka postupka za nabavku policijske opreme ugovori zaključe sa ponuđačima čije su ponude bile prihvatljive sa najnižom ponuđenom cijenom kako slijedi:

1. Komisija daje preporuku da se Ugovor po LOT-u 1 za nabavku **Ručnog mobilnog, stacioniranog termovizijskog sistema** za potrebe Granične policije BiH zaključi sa ponuđačem «NETWORK I» d.o.o. Bijeljina čija ukupna cijena ponude bez uračunatog PDV-a iznosi **25.900,00 KM bez PDV-a**
2. Komisija daje preporuku da se Ugovor po **LOT 5. Detektor CO2** za potrebe Granične policije BiH zaključi sa ponuđačem Network I, Potporučnika Smajića 26, Bijeljina čija ukupna cijena ponude bez uračunatog PDV-a iznosi **7.820,00 KM bez PDV**
3. Komisija daje preporuku da se Ugovori po ostalim lotovima (2,3,4) ponište zbog velike razlike između cijena pristiglih ponuda i procjenjene vrijednosti nabavke.

II

Izabrani ponuđači dužni su da dostavi dokaze o ispunjavanju uslova iz tačke 12. tenderske dokumentacije - Uslovi za kvalifikaciju ponuđača u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Granična policija BiH Odlukom broj: 17-06-4-16-2-25/18 od 19.06.2018. godine pokrenula je postupak javne nabavke putem otvorenog postupka za nabavku policijske opreme. Na javnom otvaranju ponuda održanom 09.07.2018. godine konstatovano je da su u roku, blagovremeno pristigle sledeće ponude:

1. Agencija za zaštitu lica i imovine Sword security Sarajevo
2. Mibo komunikacije, Tvornička 3, Sarajevo
3. Network I, Potporučnika Smajića 26, Bijeljina

4. Shot, Zmajevićka cesta 55 c, Zenica

Neblagovremenih ponuda nije bilo.

Pregledom pristiglih ponuda utvrđeno je da su ponude čvrsto uvezane sa svim numerisanim i parafiranim stranicama ponude. Pregledom ponuda komisija je konstatovala:

- I. **Lot 1** . Ponuđena oprema ponuđača „MIBO KOMUNIKACIJE“ d.o.o Sarajevo ne zadovoljava tehničke karakteristike iz razloga što je:
 - tražena isporuka termovizijske kamere sa radnom temperaturom od -20°C do +60°C dok je radna temperatura ponuđenog modela -25°C do +55°C.
 - tražena „Mogućnost memorisanja fotografije u standardnom formatu JPEG“, dok iz ponuđene dokumentacije nije moguće jasno utvrditi da li isti ispunjava uslove tražene tehničkom specifikacijom ili ne.
 - traženo „integrirani real time clock, vrijeme i datum ostaju na fotografijama i video zapisu“ dok iz ponuđene dokumentacije nije moguće jasno utvrditi da li isti ispunjava uslove tražene tehničkom specifikacijom ili ne.
 - traženo „Detekcija čovjeka na udaljenost na minimalno 700m“ dok iz ponuđene dokumentacije nije moguće jasno utvrditi da li isti ispunjava uslove tražene tehničkom specifikacijom ili ne.
 - traženo „Prepoznavanje čovjeka na udaljenosti na minimalno 200m“ dok iz ponuđene dokumentacije nije moguće jasno utvrditi da li isti ispunjava uslove tražene tehničkom specifikacijom ili ne. Ponuda se smatra neprihvatljivom.
 - Ponuđena oprema ponuđača „SHOT“ d.o.o. Zenica ne zadovoljava tehničke karakteristike tražene tenderskom dokumentacijom, iz razloga što je tenderskom dokumentacijom tražena isporuka biokularna termovizijska kamera. Ponuda se smatra neprihvatljivom
 - Ponuđeni model ponuđača „NETWORK 1“ Bijeljina zadovoljava tehničke karakteristike tražene tenderskom dokumentacijom
- II. **Lot 5**. Ponuđeni uređaji ponuđača „SHOT“ d.o.o. Zenica i „MIBO KOMUNIKACIJE“ d.o.o Sarajevo ne zadovoljavaju tehničke karakteristike tražene tenderskom dokumentacijom iz razloga što je tenderskom dokumentacijom tražena isporuka crijeva od 15 metara dok je u ponudi ponuđača „SHOT“ d.o.o Zenica navedena isporuka crijeva od 5-15metara, a u ponudi ponuđača „MIBO KOMUNIKACIJE“ d.o.o Sarajevo navedena isporuka crijeva od 10 metara. Ponude se smatraju neprihvatljivim.
 - Ponuđeni model opreme ponuđača „NETWORK I“ d.o.o. Bijeljina zadovoljava tehničke karakterisitke tražene tenderskom dokumentacijom

Komisija je dala preporuku da se Ugovori za nabavku policijske opreme po lotovima zaključe sa ponuđačima iz stava I Odluke, a da se za ostale poništi iz pomenutog razloga.

Shodno naprijed navedenom prihvaćena je preporuka Komisije za javnu nabavku, te je odlučeno kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana dostavljanja iste. Žalba se predaje putem Granične policije Bosne i Hercegovine.

DOSTAVITI:

- Ponuđaču (fax)
- Odsjek za poslove nabavke i logistike
- A/a

